

榕城紀聞

榕城紀興

江苏工业学院图书馆
藏书章

一九五六年本館據廈大圖書館存四抄本鈔

榕城紀聞

海外散人隨筆

崇禎

庚辰十三年

閏正月慶賞元宵自十三夜至二十四夜居民張燈遊玩一如元

夕

辛巳十四年

春大旱

七月初一夜颶風大作自初更至五更乃止蕩壞民居屋宇無數

樣樓及南門城樓貢院巡撫轅門萬歲塔尾等皆圯又壞石坊

二大坊一大江船隻有飛越一二十里外者甚或不知所之者
至於大小衙署傾頽壓死男女不計是夜火光閃爍如電

壬午十五年

二月疫起鄉例祈禳土神有名為五帝者於是各社居民鳩集金
錢設醮大饌初以迎請排宴漸而至於設立衙署置胥役收投
詞狀批駁文書一如官府而五帝所居早晚兩堂一日具三膳
更衣晏寢皆倣人生禮各社土神恭謁有期一出則儀仗車輿
印綬箋簡彼此叅拜有中軍遞帖到門走轎之異更有一種屠
沽及游手之徒或扮鬼臉或充阜隸沿街迎賽互相誇耀繼作
紙舟極其精緻器用雜物無所不備興工出水皆擇吉辰如造

鮑淵改作鮑淵
張蒼水集卷五
有壽鮑淵強扣
國詩

舟焉出水名曰出海以五帝逐疫出海而去也是日殺羊宰猪
向舟而祭百十為群鳴鑼伐鼓鑼數十面鼓亦如之與執事者
或搖旗或扶舟喊吶喧闐震心動魄當其先也或又設一儼紙
糊五帝及部曲乘以驛騎旋繞都市四圍執香隨從者以數千
計皆屏息於烈日中謂之請相及舟行之際則疾趨恐後蒸汗
如雨顛躓不測亦所甘心一鄉甫畢一鄉又起甚而三四鄉六
七鄉同日行者自二月至八月市鎮鄉村日成鬼國巡撫張公
嚴禁始止

張公諱肯堂號鮑淵從事海上鎮甯波
之舟山島辛卯年舟山破全家盡難

癸未十六年

八月會試因流寇迫京師改期也

十一月李闖哨馬至江西袁州府城中有風竊之警

順治

甲申元年

四月按院陸清源出牌云照得謀國不臧賊遺君父正主憂臣死之日大小官員各宜洗心供職毋得泄泄人見之愕然蓋崇禎

三月煤山之變已有密探也

陸公後奉命犒師為賊相馬士英所害

五月二十一日北京陷報至六月中發喪鄉村老幼男女莫不流涕

三衛軍索糧激變請龍亭於宣政街有蛇走出

乙酉二年

二月芝山靈源閣災延及鐘樓殆盡鐘為梁太清三年鑄舊識有
火燒靈源閣三山作戰場邑人大懼閩中自此不靖矣

宏光立於江南於元軍設督餉軍門二一於福城大監一於漳州
開府督理閩廣海船稅務

五月南京破六月報至閩六月唐王入閩監國以本月二十七日
即位改元隆武以布政司署為行在大朝門策勲以護駕鄭鴻
逵為定虜侯授立鄭芝龍為平虜侯旋進平定二國公

隆武入閩舟至洪江金山有大石峙江千下深不測元龜處其中
大如傘蓋數浮水面若朝拜狀至舟過始沒進西門時近四鼓
燈火燁煌自洪山塘抵城迎駕人數十萬時有星大如酒鐘光

甚修散為氣雨道如帶自室抵壁移時方沒散時有聲如砲
設儲賢館招致人才以相臣蘇觀生掌之赴選者多不稱其名

蘇

相後盡難於廣東

陞福州府為天興府司道府各帶雨銜以福州府為國子監

學

八月隆武幸太學

九月出征築壇於洪山以鄭鴻逵為大將隆武親齋戒授鉞誓師
是時風雨大作御服器仗皆沾濕淋漓先是鄭鴻逵出至定遠
橋馬蹶墜地

十一月行郊祀禮以釣龍臺為天壇

十二月隆武親征晉平國公鄭芝龍太師為留後居守初隆武欲

情

親征芝龍理應扈蹕特有大功不欲行而舉朝皆其黨羽隆武知其意乃諭其居守先是戶部侍郎何楷以義不合去至大田驛忽夜數十人排戶擒毆去其左耳由是朝臣不敢異指惟其所向而已

平國公芝龍子森賜姓朱名成功捐資佐軍上悅之

丙戌三年

乃臣之住字
或係止字之
誤

三月忽傳兵至居人紛紛出城有禁於各門巡城御史取票乃往五月競渡百姓以多事不敢作樂而平國公芝龍率標營官軍於西湖門舟其旗幟皆寫欽命藩王等目

六月鄉試以暑天從寬只用兩場首场只作五篇發榜後於至公

堂覆試湊成三場又令赴延平府城行在覆試嗣以禮部馬諱
思理奏免

八月糧餉告匱平國公鄭芝龍命撤兵開關北兵隨至而永福黃

黃璚邵武人

文煥子璚同陳乃夫等詐受清銜叔畧閩清大穆溪白沙等處

東南紀事

學佳傳作黃璚

鄉村焚蕩無遺又作暗號與城中亂賊約為內應鄉人齊異與

璚字典無璚

曹能始先生朱友桐議起兵守城璚等計遂阻乃悉焚掠城外

字當依邵書改正

各村戶受害之人至今欲啖其肉

九月十八日清兵入城人皆薙髮留辮曹先生能始衣冠自縊於

西峯草堂胡都督

諱

獻深與其妻衣冠對坐飲藥於畫錦坊第

書

有趙昂者不肯薙髮從容刎死於家

十二月三十日迎春人皆流涕舊工部尚書鄭瑄獨開第張宴人共恥之雜髮只留一頂如錢大作辮謂之金錢鼠尾衣服小襖窄袖如婦人前後衣襟俱開作馬衣戴笠上有紅纓或以紅絲飾之

清兵駐洪山塘沙州其王號貝勒有內院各官開投誠之門行考較之法而先朝超拔異等之士與世受國恩之胄紛紜換創赴考又慶新遭矣

都御史之外加置部院鈐制兩省駐浙之衢州有事則移福州此前朝九邊經畧制也安民巷宮巷吉庇巷多駐官府今改為營房凡占民居十之八

軍需以外凡官府所用公私所給一切皆取之民間故正供之外
有馬草徑站之外有民夫用無定額取無定數日煩一日

丁亥四年

正月部院張存仁至

二月鼓樓鵠尾吐烟如霧

三月有海船至洪江張存仁以非百姓欲殺之

以海濱不可測屠海口鎮東等城虜婦女無算

林化熙全髮被獲至府學興賢坊口望拜先聖見存仁不屈坐殺

於宣政街奴輩取其肝炮食之

化熙字阿蟬福
州府學廩生

日下有两環如連環貫日紅碧色數間屋大

三四五月積雨至五月十七日水平地丈餘壞民居城屋數百家
田園絕粒八郡皆然

七月殺舉人林桓聲殺傳牌保長三人牌係義師令也鼓山人傳
至城中

義師起八郡同日發州城中約舉火相應至期燒鼇峯狀元亭時
天色已亮遂潰於金雞山是日東關外三十六墩為官兵焚掠
搶殺殆盡四方俱起城中坐困兵馬日出搶掠家甲戒嚴不時
查點不在者便為通賊多一人即為奸細其令十家連坐人人
重足

殺羊尾社初城中子弟見雞髮留數莖作辨不甚雅觀至是指為

暗號皆殺之

省城民饑四出逃竄法雖嚴不能禁初食粥次食麵麪糠覈繼而食菜子蕉頭浮萍所見皆鳩形鵠面有四五十家之街巷無一
人行者有門庭整麗器具精好入門而十餘堆白骨委地者比
屋皆然死屍棄地片時割盡竊抱小孩瞬息就烹甚至自食其
子親割其夫者凡死亡十之八九米雖小斗價六錢
十月開元寺火大殿藏經鉄佛并各小庵俱燬次日殺僧數人梟
其首

巡按周世科凡城外民獲進者俱指為賊其法以大門楠將人手
足展開釘於其上又豎木頭於地將人從後股串入旋轉作磨

謂穿心磨又赤剝其人以火炬燒其陰日日如是凡用此法其人未死而餓男女已捉刀執刃盡其肉矣血流地上亦手捧而去

周世科開妄告之令無賴之人輒肆志於鄉紳大室前松江府知府陳亨被人告責十五板前戶部主事林宏衍鎖鍊到官前處

州府鄭奎光鎖拿到官餽送銀八百兩免罪

城外皆義師營頭千種皆稟監國魯王令農夫漁翁俱任都督衣穿襖襪腰繫印綬至村婦化僧亦受職銜掌兵城中餓夫逃出者悉隸其籍若無引証即以為奸細殺之或帶有防身餘物即

時掠盡

戊子五年

春疫大起城外雖未乏食死大過半與城中等

一月江西金聲桓反正遣副將郭天才詐稱救兵入閩撫院疑之

不許進城駐洪山塘四出劫掠五月北兵至遁去

流星見大如紙鳶數小星隨之其聲如砲自西迄東

米每斗七錢肉每斤三錢鹽每斤五分魚每斤一錢五分菜每斤

二分蝦米每斤一錢二分

五月救兵圍解初駐西關外嗣移大橋下藤山地方作鉄練攔閘

安鎮江不成監造運鹽司姓鄧赴水死海道王三俊因勞病死

卒不成

米每斗三錢冬收成每斗一錢三分

十月開科鄉試

己丑六年

正月初九日大雷電風霾

部院陳錦生辰人慶解圍米價平減家家燃燈演劇為樂後以為
例

前朝官及舉貢監併海上起義諸色人歸順受職者謂之投誠貢
監後作生員者謂之復學其宏光隆武舉貢俱不准生員另考
收錄者謂之可存

庚寅七年